



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 94. Hæretici Commendonum excludi a Senatu postulantes.

[urn:nbn:de:hbz:466:1-67232](#)

„pater patriæ vere, & non adulatorie
„dici mereatur.“

æcul. XVI.

A.C. 1573.

Hanc Montluci orationem tam festivæ acclamations excipiebant, ut Andegavensem Ducem procul dubio, si statim ad electionem procederetur, nomine refragante nominatum iri appareret. Postmodum cum Montlucus suo sermoni finem imponeret, Sueciæ Ora- tor declamabat, ac demum ceteri Ora- tores suo quisque ordine audiabantur, quibus omnibus postea verbis non adeo prolixis responsum est, paucis vero post diebus exhibito Senatus edicto Oratores unaomnes Varsovia excedebant, atque in alio loco comitiorum exitum præstolari jubebantur, quam in reim singulis nonnullæ, ad quas sese recipierent, urbes fuere assignatæ.

§. XCIV.

*Hæretici Commendonum excludi a Se-
natu postulantes.*

Hæretici, cum Commendonum pariter *Gratian.* in hoc edicto comprehendendi, & ei- vita Com- dem æque, ac ceteris recessus locum mend. l. 4. designari postularent, hinc palam ex- c. II. ponebant, quod haud necesse sit, arbitrum, ac rerum Polonicarum, quas tamen secretas tenere e re foret, testim e longinquo advocare, præcipue cum aliunde præter morem accidat, quod

Sæcul XVI. quod in comitorum loco auctoritas præ-
A.C. 1573. valeat exteri Principis, qui Polonis
 quamdam suæ libertatis partem adime-
 re posset: unde ceteri Legati merito
 querendi ansam captare valerent, si
 Legatus Cardinalis Varsoviæ remane-
 ret, ceteris inde excedere jussis. Ve-
 rum cunctis hisce cavillationibus Catho-
 lici sese opponebant, cum autem hæc
 contentio indies recrudefceret, atque
 haud parum Senatores perturbaret,
 Commendonus omnem dissensionis um-
 bram prævertere intentus ultro Scher-
 nevicium oppidum duorum dierum iti-
 nere Varsovia dissitum secessit: postea
 vero omnes patriæ probe affecti nulla
 mora electioni insistere fatigebant,
 quamvis eam, ob novas difficultates
 ab iis, qui se Evangelicos dicunt, susci-
 tatas differre oportuerit.

§. XCV.

*Hæreticorum postulata in comitiis ante
 electionem proposita.*

Gratian. l. c. Hæretici cum ingenti arrogantia pete-
 bant primo I. Evangelicorum li-
 bertati novis legibus, atque edictis ido-
 nee caveatur, simulque Regum auto-
 ritas imminuatur. II. Vetera edicta
 corriganter, eaque tempori, ac præ-
 senti Reipublicæ statui accommodentur:
 porro hoc obtentu, quo jus publicum
 emen-